

**2017-imi akileraarutitigut ilanngaatisat il.il. imatut angissusilerneqarnissaannik
Inatsisartut aalajangiinissaannik siunnersuut:**

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoq.....kr. 10.000 (ukiumut)**
- 3. Aningaasarsiat B-t akileraaruteqaataasussaannngitsut kr. 5.000 (ukiumut)**
- 4. Killilimmik akileraartussaataasut ilanngaataat.....kr. 1.000 (ukiumut)**
- 5. Kommunitut ataatsimut akileraarut.....6%**
(Aningaasaqarnermut Aatsitassanullu Naalakkersuisoq)

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Imanuelson, Siumut, siulittaasoq
Inatsisartunut ilaasortaq Sara Olsvig, Inuit Ataqatigiit, siulittaasup tullia
Inatsisartunut ilaasortaq Steen Lynge, Atassut,
Inatsisartunut ilaasortaq Jess Svane, Siumut
Inatsisartunut ilaasortaq Tillie Martinussen, Demokraatit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Aqqaluaq B. Egede, Inuit Ataqatigiit

Ulloq 19. april 2016-imi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Naalakkersuisut siunnersuutigaat 2017-imut akileraarutitigut ilanngaatisat il.il. 2016-imut sannilliullugit allannguuteqassanngitsut, tassa akileraarutitigut ilanngaatisat allannguutigisinnasaat, tassungalu ilanngullugu sulinermut akileraarutinut ilanngaammik atuutilersitsisinnaaneq akileraartarnikkut aaqqissuusseqqinnissaq pillugu maanna misissueqqissaarnernut ilannguneqarnissaat Naalakkersuisut suli kissaatigimmassuk. Tamatuma peqatigisaanik kommuninut ataatsimut akileraarut allanngortinneqassanngitsoq siunnersuutigineqarpoq.

Ilanngaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimaneri eqqarsaatigalugit ilanngussaq 1 innersuussutigineqarpoq, soorluttaaq 2017-imi aningaasarsiat tunngavissaattut naatsorsuutigisat ilanngussaq 2-mi nassuiaatigineqartut.

2. Siunnersuutip Inatsisartunit siullermeerneqarnera

Siunnersuut nalinginnaasumik taparserneqarpoq. Akileraartarnikkut aaqqissuusseqqinnissaq pillugu maanna misissueqqissaarnerit siunnersuuteqartup saqqummiussissummini naatsumik taasaqarfigisai Inatsisartut ataatsimiittarfianni oqallinnermi pingaarnertut sammineqarput. Tamanna tunngavigalugu allannguutissatut siunnersuutinik saqqummiussisoqanngilaq.

4. Ataatsimiititaliap siunnersuummik suliarinninnera

Siunnersuummut matumunnga allannguutissatut siunnersuummik saqqummiussinissaq kissaatigineqanngitsoq ataatsimiititaliamit oqaatigineqassaaq. Akileraartarnermulli tunngasut allat aamma ilanngullugit siamasissumik aaqqiisoqarnissaa tamanit assut kissaatigineqarmat ataatsimiititaliamit maluginiarneqarpoq. Ataatsimiititaliamilli nassuerutigineqartariaqarpoq siumut sammisumik oqallinnerup pineqartup siunnersuummut matumani pineqartumut toqqaannartumik kinguneqarnissaa kissaatigineqanngimmat. Akileraartarnermilli aaqqissuussi-neq taaneqartoq qanoq annertutigissanersoq aammalu tamatuminnga inatsisit suut eqqor-neqassanersut Naalakkersuisunit maannangaaq ilisimaneqareernersoq paasissutissiissutigine-qassasoq ataatsimiititaliamit kissaatigineqarpoq.


5. Siunnersuutip aningaasatigut kingunissai

Ilanngaatit il.il. ataasiakkaat sunniutissaasa erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimaneri eqqarsaatigalugit ilanngussaq 1 inner-suussutigineqarpoq, soorluttaaq 2017-imi aningaasarsiat tunngavissaattut naatsorsuutigisat ilanngussaq 2-mi nassuiaatigineqartut. Siunnersuummi saqqummiunneqartumit allaaneru-sumik naliliinissamut tunngavissat pigineqartut aallaavigalugit ataatsimiititaliaq tunnga-vissaqarsorinngilaq.


6. Ataatsimiititaliap inassuteqaataa

Tamanna tunngavigalugu Aningaasaqarnermut Akileraartarnermullu Ataatsimiititaliap isumaqatigiittup siunnersuut Inatsisartunit akuerineqassasoq inassutigaa.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Jens Immanuelson,
siulittaasoq



Aqqaluaq B. Egede,
siulittaasup tullia




Jess Svane



Steen Lynge



Tillie Martinussen



Peter Olsen



Sara Olsvig